


Bibiliya y'abana irerekana



Ijuru, ubuturo bwiza bw'Imana



yanditswe na: Edward Hughes
yashushanyijwe na: Lazarus

yahinduwe na: Elizabeth Johnson
yahujwe na: Sarah S.

Story 60 of 60

www.M1914.org

Bible for Children, PO Box 3, Winnipeg, MB R3C 2G1 Canada

Ufite uruhusa rwo gucapa no gukora kopi y'iyi nkuru igihe cyose utagamije kugurisha.


Kinyarwanda

Igihe Yesu yabaga ku isi yabwiye abigishwa be iby'ijuru. Yaryitaga "Inzu ya Data", yavuze ko hariyo amazu menshi. Inzu nini, ubuturo bwiza. Ijuru ni rigari kandi ni ryiza ugereranyije n'ubuturo bwo mu isi.



1


Yesu aravuga ati, "Ngiye kubategurira umwanya. Kandi niba ngiye nkabategurira umwanya, nzagaruka na none mbanjyane." Yesu yagiye mu ijuru amaze kuzuka mu bapfuye. Igihe abigishwa barebaga, Yesu yari yazamuwe, igicu kiramubundikira amaso yabo ntiyongera kumubona.



2

Kuva ubwo, abakristo bibuka isezerano rya Yesu ryo kugaruka, akabajyana. Yesu yavuze ko azagaruka vuba, mu gihe gikwiye. Ariko se bite by'abakristo bapfa ataragaruka?


Bibiliya ivuga ko bagenda bagahita bajya kubana na Yesu. Kuvanwa mu mubiri n'ukubana n'Imana.



KUBANA
N'IMANA


3

Ibyahishuwe, igitabo cya nyuma cya Bibiliya, kitubwira ukuntu ijuru ari ryiza. Ikintu kiza kurusha ibindi n'uko, mu buryo budasanzwe, ijuru ari ubuturo bw'Imana. Imana iri hose, ariko intebe yayo iri mu ijuru.




4

Abamalayika n'ibinyabuzima byo mu ijuru biramya Imana mu ijuru. Kimwe n'abantu b'Imana bose bapfuye bakajya mu ijuru. Baririmba indirimbo zidasanzwe zo guhimbaza Imana.




5

Hano hari amwe mu magambo yo mu ndirimbo baririmba:
NI WOVE IKWIRIYE
KUKO WATAMBWE
UGACUNGURIRA
IMANA ABO MU
MIRYANGO
YOSE, ...



6


... NO MU MOKO YOSE
UDUCUNGURISHIJE AMARASO
YAWE, UKADUHINDURIRA
IMANA YACU KUBA ABAMI
N'ABATAMBYI
(Ibyahishuwe 5:9).



7


Urupapuro rwa nyuma rwa Bibiliya rugereranya ijuru nka "Yerusalemu nshya". Ni rinini cyane, n'urukuta rurerure hanze. Inkuta zubatswe n'amabuye ya Yasipi, abengerana nk'amasarabwayi. Ifeza n'andi mabuye y'agaciro atwikiriye urufatiro rw'urwo rukuta,

abengerana
amabara
meza.
Buri rembo
ry'umurwa
n'isaro rinini!




8

Ayo marembo y'amasaro manini ntajya afungwa. Reka tujye mo maze dutambagire hose ... Mbega byiza! Nimbere mu Ijuru ni heza cyane. Imirwa yubatswe n'izahabu gusa, nk'ibirahure bibonerana. Yemwe n'utuyira dukozwe mu izahabu.




9

Umugezi mwiza, ukeye w'amazi y'ubugingo uva ku ntebe y'Imana. Impande zose z'umugezi hari igiti cy'ubugingo, cyabonetse bwa mbere mu busitani bwa Edeni. Iki giti ntigisanzwe. Kigira amoko y'imbuto cumi n'abiri atandukanye, ubwoko butandukanye buri kwezi. Amababi y'igiti cy'ubugingo n'ayo gukiza imiryango yose.




10

Ijuru ntirikenere urumuri rw'izuba cyangwa ukwezi. icyubahiro cy'Imana cyuzuye urumuri rwiza bitangaje. Nti hajya haba ijoro na rimwe.



11

Yemwe n'inyamaswa mu ijuru ziratandukanye. Ziratuje kandi n'inyamico myiza. Impyisi n'abana b'intama bisangira ubwatsi. Intare z'inkazi zirisha mu rwuri nk'imfizi. Uwiteka aravuga ati, "Nta mubabaro nta no gupfa biba ku musozi wanjye wera."



12

Iyo twitegereza ahatuzengurutse, tubona hari ibintu bibura mu ijuru. Nta magambo y'ibibabaza ajya yumvwa yo. Nta muntu urwana cyangwa ngo yikunde.



13

Nta ngufuri ziba ku nzugi, kuko nta bajura baba mu ijuru. Nta babeshyi, abicanyi, abapfumu cyangwa abandi bantu babi. Nta cyaha cy'ubwoko ubwo aribwo bwose kiba mu ijuru.



14



Mu ijuru ku Mana nta marira arangwa yo. Rimwe na rimwe, abantu b'Imana barira kubera imibabaro iba muri ubu buzima. Mu ijuru, Imana izahanagura amarira yabo yose.

15

Mu ijuru nta rupfu rubayo. Abantu b'Imana bazabana n'Uwiteka ubuziraherezo. Nta gahinda karangwa yo, nta marira, nta mubabaro urangwa yo. Nta burwayi, nta gutandukana, nta gushyingura. Buri umwe wese mu ijuru arishimye ubuzira herezo n'Imana.



16

Ikiruta byose, ijuru ni iry'abahungu n'abakobwa (n'abakuru nabo) bizeye Yesu kristo nk'umucunguzi wabo, bakamwubaha nk'Imana yabo. Mu ijuru hari igitabo cyitwa Igitabo cy'ubugingo cy'umwana w'intama. Cyuzuyemo amazina y'abantu. Uzi banyiri ayo mazina yanditswe mo? Abantu bose bashyize ukwizera kwabo muri Yesu. Ese izina ryawe ririmo?



17

Ijambo rya nyuma rya Bibiliya rivuga ku iby'ijuru, ni ubutumire bwiza. "Umwuka n'umugeni baravuga ngo, 'Ngwino!' Kandi uwumva wese navuge ati 'Ngwino!' Kandi ufite inyota naze. Kandi ushaka wese, ajoyane amazi y'ubugingo ku buntu."



18

Ijuru, ubuturo bwiza bw'Imana
inkuru yo mu Ijambo ry'Imana, Bibiliya

Yavuye mu gitabo cya

Yohani 14; 2 Abakorinto 5;
Ibyahishuwe 4, 21, 22

"Guhishurirwa amagambo yawe bizana umucyo."
Zaburi 119:130



Imana izi ko twakoze ibintu bibi,
aribyo yita icyaha. Igihano cy'icyaha n'urupfu.

Imana iradukunda cyane kuburyo yohereje umwana wayo, Yesu, gupfira kumusaraba maze yishyura igihano cyacu. Yesu yarazutse maze asubira mu ijuru! Ubu Imana ishobora kubabarira ibyaha byacu.

Niba ushaka kuva mu byaha byawe, bwira Imana uti: Ku nshuti yanjye Imana, Nizera ko Yesu yamfiriye kandi ubu akaba ari muzima na none. Ndakwinginze ngwino mu buzima bwanjye maze umbabarire ibyaha byanjye, kugira ngo uyu muni mbase kubona ubuzima bushya, maze mbane nawe ubuzira herezo. Mfasha kubaho ku bwawe nk'umwana wawe. Amina. Yohana 3:16

Soma Bibiliya maze uvugane n'Imana buri muni!